

Broj: 01-02-1402/23

Sarajevo, 05.05.2023. godine

Z A P I S N I K

6.VANREDNE SJEDNICE PREDSTAVNIČKOG DOMA PARLAMENTA FEDERACIJE BIH, održane 28.04.2023. godine

Sjednica je počela u 14.07

Sjednicom je predsjedavala predsjedavajuća Mirjana Marinković-Lepić.

Predsjedavajuća Marinković-Lepić pozdravila je zastupnice i zastupnike, goste kao i predstavnike akreditiranih medijskih kuća koji prate rad sjednice.

Izostanak su opravdali: Ilda Alibegović i Azmir Husić.

Prema evidenciji Stručne službe, predsjedavajuća je konstatovala da sjednici prisustvuje dovoljan broj zastupnika za kvalitetan rad i odlučivanje.

Zapisnik 5. vanredne sjednice u svojoj je bez primjedbi.

Poslovnik u članu 100. propisuje da se dnevni red utvrđuje na početku sjednice, te da svaki zastupnik kao i ovlašteni predlagači imaju pravo da predlože određeno pitanje za uvrštavanje u dnevni red. Međutim, u skladu sa Odlukom Visokog predstavnika, - Potvrđivanje i imenovanje Vlade FBiH biće jedina tačka današnje sjednice.

Prije nego se glasalo o dnevnom redu, ispred Kluba zastupnika SDA, Mirsad Zaimović zatražio je pauzu od 30 minuta. Nakon pauze, Mirsad Zaimović, kazao je da je Klub tražio pauzu zbog definisanja dodatnih stavova i zbog sugestije da nema youtube prijenosa.

Ispred Kluba zastupnika DF, Mahir Mešalić zatražio je pauzu od deset minuta.

Nakon pauze, prešlo se na glasanje o dnevnom redu.

Na osnovu pojedinačnog izjašnjavanja, sa 51 glasom za, 39 glasova protiv i dva uzdržana glasa, usvojen je sljedeći:

D N E V N I R E D

1. Potvrđivanje imenovanja Vlade FBiH – Odluka o imenovanju premijera/predsjednika Vlade, zamjenika premijera/predsjednika Vlade i ministara u Vladi FBiH (Odluka predsjednice FBiH, br. 01-02-1-152/23 i Odluka o izmjeni Odluke br. 01-02-1-152-06/23 s popratnim pismima)

1. Potvrđivanje imenovanja Vlade FBiH – Odluka o imenovanju premijera/predsjednika Vlade, zamjenika premijera/predsjednika Vlade i ministara u Vladi FBiH (Odluka predsjednice FBiH, br. 01-02-1-152/23 i Odluka o izmjeni Odluke br. 01-02-1-152-06/23 s popratnim pismima)

Predsjednica Federacije BiH, gospođa Lidija Bradara je, u skladu sa članom IV.B.7a(1) Ustava FBiH, amandmana XLV i CXXII na Ustav FBiH uz saglasnost potpredsjednika Federacije BiH, gospodina Igora Stojanovića donijela Odluku o imenovanju premijera, zamjenika premijera i ministara u Vladi FBiH.

Predsjednica FBiH je dana 27.04.2023. godine dostavila izmjenu navedene Odluke

U skladu sa amandmanom XLV na Ustav FBiH i članom 134. Poslovnika Predstavničkog doma, Predstavnički dom Parlamenta FBiH potvrđuje imenovanje Vlade FBiH

Ispred Zakonodavno-pravne komisije obrazloženje je dao Belmin Zukan.

Ispred Ustavne komisije, obrazlagao je Mladen Bošković. Mladen Bošković, između ostalog pročitao je izvještaj Komisije za izbor i imenovanje, vezan za Odluku o imenovanju premijera, zamjenika premijera i ministara u Vladi FBiH i Odluku o izmjeni Odluke o imenovanju premijera, zamjenika premijera i ministara u Vladi FBiH, a kojom se imenuju:

premijer Federacije BiH - Nermin Nikšić, zamjenik premijera i ministar finansija - Toni Kraljević, zamjenik premijera i ministar razvoja poduzetništva i obrta - Vojin Mijatović, ministar unutrašnjih poslova – Ramo Isak, ministar pravde - Vedran Škobić, ministar energije, rudarstva i industrije – Vedran Lakić, ministrica kulture i sporta - Sanja Vlasiavljević, ministrica prometa i komunikacija – Andrijana Katić, ministar raseljenih osoba i izbjeglica – Nerin Dizdar, ministar za pitanja boraca i invalida odbrambeno-oslobodilačkog rata – Nedžad Lokmić, ministar zdravstva – Nediljko Rimac, ministrica obrazovanja i nauke – Jasna Duraković, ministar trgovine – Amir Hasićević, ministar rada i socijalne politike – Adnan Delić, ministrica okoliša i turizma – Nasiha Pozder, ministar prostornog uređenja – Željko Nedić, ministar poljoprivrede, vodoprivrede i šumarstva – Kemal Hrnjić.

Predsjednica Federacije BiH obratila se zastupnicima.

Kandidat za premijera, Nermin Nikšić podnio je ekspozice.

U raspravi je učestvovao Mahir Mešalić i između ostalog kazao da Klub zastupnika neće učestvovati u izboru Vlade FBiH i da će napustiti sjednicu.

Nastavljena je rasprava u kojoj su učestvovali: Nezir Pivić, Haris Šabanović, Fahrudin Skopljak, Eldar Čomor, Salko Zildžić, Kenela Zuko i Mirsad Zaimović.

Ispred Kluba zastupnika SDA, Mirsad Zaimović između ostalog je kazao da Klub zastupnika SDA neće učestvovati u izboru Vlade FBiH, te da će napustiti sjednicu.

Sandi Salkić ispred Kluba zastupnika NES, između ostalog kazao je da Klub neće podržati izbor Vlade FBiH te da je Klub ranije predložio zaključak kojeg je Parlament usvojio i uputio u dalju proceduru.

Sa 51 glasom za, dva glasa protiv i jednim uzdržanim glasom, Predstavnički dom Parlamenta FBiH donio je Odluku o potvrđivanju Odluke o imenovanju premijera/predsjednika Vlade FBiH, zamjenika premijera/predsjednika Vlade FBiH i ministara u Vladi Federacije Bosne i Hercegovine.

Novoizabrani članovi Vlade FBiH dali su svečanu izjavu.

Predsjedavajuća je zaključila rad 6. vanredne sjednice u 16.46.

Transkript i prijepis transkripta čine sastavni dio Zapisnika.

SEKRETAR
PREDSTAVNIČKOG DOMA
PARLAMENTA FEDERACIJE BIH

Ivan Miličević

PREDSJEDAVAJUĆA
PREDSTAVNIČKOG DOMA
PARLAMENTA FEDERACIJE BIH

Mirjana Marinković-Lepić

